



ს ა ქ ა რ თ ვ ე ლ ო
თერჯოლის მუნიციპალიტეტის მერია
G E O R G I A
TERJOLA MUNICIPALITY CITY HALL



ბრძანება:ბ28. 28230167

თარიღი:16/01/2023

თერჯოლის მუნიციპალიტეტის ტერიტორიაზე 2023 წლის 09-14 იანვარს ძლიერი ქარის შედეგად დაზიანებული საბავშვო ბაღების, მუნიციპალიტეტის ბალანსზე არსებული შენობების, კერძო მოსახლეობის საცხოვრებელი სახლებისა და საერთო საცხოვრებლების რეაბილიტაციისათვის საჭირო საპროექტო-სახარჯთაღრიცხვო დოკუმენტაციის შესყიდვის მიზნით გადაუდებელი აუცილებლობიდან გამომდინარე გამარტივებული წესით შესყიდვის შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი ნაწილის „ე.ე“ ქვეპუნქტის, 61-ე მუხლის მე-3 ნაწილის „ა“ პუნქტის, საქართველოს კანონის „სახელმწიფო შესყიდვების შესახებ“ მე-10¹ მუხლის მე-3 პუნქტის „ბ“ ქვეპუნქტის და „გამარტივებული შესყიდვის კრიტერიუმის განსაზღვრისა და გამარტივებული შესყიდვის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანების მე-3 მუხლის პირველი პუნქტის „ბ“ ქვეპუნქტისა და მე-5 მუხლის პირველი პუნქტის შესაბამისად და თერჯოლის მუნიციპალიტეტის მერიის სივრცითი მოწყობის, ინფრასტრუქტურისა და არქიტექტურის სამსახურის ხელმძღვანელის მოვალეობის შემსრულებლის გოდერძი თურქაძის 2023 წლის 16 იანვრის N03-282301678 მოხსენებითი ბარათის საფუძველზე,

ვ ბ რ ძ ა ნ ე ბ

მუხლი 1. თერჯოლის მუნიციპალიტეტის ტერიტორიაზე 2023 წლის 09-14 იანვარს ძლიერი ქარის შედეგად დაზიანებული საბავშვო ბაღების, მუნიციპალიტეტის ბალანსზე არსებული შენობების, კერძო მოსახლეობის საცხოვრებელი სახლებისა და საერთო საცხოვრებლების რეაბილიტაციისათვის საჭირო საპროექტო-სახარჯთაღრიცხვო დოკუმენტაციის, სახელმწიფო შესყიდვის მიზნით გადაუდებელი აუცილებლობით გამომდინარე შესყიდვა განხორციელდეს გამარტივებული შესყიდვის წესით;

მუხლი 2. გამარტივებული შესყიდვის განხორციელებამდე, აღნიშნული ბრძანება და შესაბამისი დოკუმენტაცია სახელმწიფო შესყიდვების სააგენტოს

თავმჯდომარის 2015 წლის 17 აგვისტოს N13 ბრძანების მე-5 მუხლის პირველი, მეორე და მესამე პუნქტების თანახმად შესათანხმებლად გადაეგზავნოს სახელმწიფო შესყიდვების სააგენტოს;

მუხლი 3. ბრძანება ჩაბარდეს შემდგომი რეაგირებისთვის თერჯოლის მუნიციპალიტეტის მერიის შესყიდვების განყოფილებას;

მუხლი 4. ბრძანება ძალაში შევიდეს ხელმოწერისთანავე;

მუხლი 5. ბრძანება შეიძლება გასაჩივრდეს დაინტერესებული პირის მიერ მისი გაცნობიდან ერთი თვის ვადაში, ზესტაფონის რაიონულ სასამართლოში (ქ. ზესტაფონი, წერეთლის ქ. N7) კანონმდებლობით დადგენილი წესით;

მანუჩარ რობაქიძე

თერჯოლის მუნიციპალიტეტის მერია-მერის
მოვალეობის შემსრულებელი (დროებით მოვალეობის
შემსრულებელი)

გამოყენებულია კვალიფიციური
ელექტრონული ხელმოწერა/
ელექტრონული შტამპი

